



佛說婆羅門子命終愛念不離經一卷 止

後漢安息沙門安世高譯

聞如是一時婆如婆在舍衛城祇樹  
給孤獨園彼時有異婆羅門有一子  
命終愛念不離彼命終亦不能食亦  
不能飲亦不著衣亦不塗香但至塚  
間而啼泣彼啼泣憶念在抱上於是  
彼婆羅門彷徨而行至世尊所到已  
共世尊面相慰勞面相慰勞已彼婆  
羅門却坐一面已世尊告曰何以故  
汝婆羅門諸根不常定此瞿曇我意  
根云何意根當定我有一子而命終  
愛念不離彼命終我不能食不能飲  
不著衣不塗香我但在家啼泣啼泣  
時憶念在抱上如是如是婆羅門此  
婆羅門愛生已則有憂感若不樂云  
何瞿曇豈當尔愛生已當有憂感苦  
不樂耶此瞿曇愛生已當有歡喜愛  
念再三世尊告彼婆羅門曰如是如  
是婆羅門此婆羅門愛生已則有憂  
感帝泣不樂再三彼婆羅門白世尊  
曰云何瞿曇豈當尔愛生已有憂感  
不樂耶此瞿曇愛生已但有歡喜愛

婆羅門子命終經 第五 止字号

念於是彼婆羅門聞世尊所說亦不  
樂不說非不樂不然可已從坐起便  
還彼時祇桓門外有諸戲人共戲彼  
婆羅門遙見祇桓門外有諸戲人共  
戲見已作是念世間聰明者此是最  
勝我寧可所可共沙門瞿曇論者盡  
當向彼戲人說之於是彼婆羅門便  
至彼諸戲人所到已所可共世尊論  
者盡向彼戲人說之如是說已彼諸  
戲人報彼婆羅門曰此婆羅門豈當  
尔愛生已則有憂感若不樂耶此婆  
羅門愛生已當有歡喜愛念於是彼  
婆羅門作是念此諸戲人語與我等  
迴頭已即便去彼所論則廣聞次第  
徹王宮王波斯匿聞之沙門瞿曇作  
是言愛生已則有憂感若不樂王波  
斯匿聞已告末利夫人曰此末利我聞  
沙門瞿曇作是言愛生已則有憂感  
若不樂如是如是大王愛生已則有  
苦憂感不樂此末利我聞汝師言弟  
子亦尔汝末利彼沙門瞿曇是汝師  
而今汝作是言愛生已則有憂感苦  
不樂此大王聞我所說不信者便可

婆羅門子命終經 第三張 止字号

自往若遣使於是王波斯匿告那梨  
 喬如婆羅門曰汝那梨喬如往彼沙  
 門瞿曇所到已以我言問訊沙門瞿  
 曇無量問訊安隱輕舉有力不作如  
 是言此瞿曇王波斯匿無量問訊安  
 隱輕舉有力不實沙門瞿曇作是言  
 愛生已則有憂感若不樂耶此那梨  
 喬如若彼沙門瞿曇作是說汝當善  
 受持誦習之何以故彼不虛說彼那  
 梨喬如婆羅門速受王波斯匿教已  
 至世尊所到已共世尊面相慰勞面  
 相慰勞已却坐一面彼那梨喬如婆  
 羅門却坐一面已白世尊曰此瞿曇  
 波斯匿王無量問訊安隱輕舉有力  
 不實沙門瞿曇作是言愛生已則有  
 憂感若不樂耶此那梨喬如我還問  
 汝隨所有力當還報之於那梨喬如  
 意去何或有人母命終彼母命終意  
 狂亂裸形不着衣隨彼遊行作如是  
 言我不見母我不見母此婆羅門當  
 知之愛生已則有憂感若不樂如是  
 父兄姊妹若婦命終彼婦命終已則  
 意狂亂裸形不着衣隨彼遊行作是

婆羅門子命終經 第四張 止字号

言我不見父及婦此婆羅門當知此  
 愛生已則有憂感若不樂此婆羅門  
 昔有一人婦還歸家彼親屬欲奈與  
 他人彼婦人聞之親屬欲持我與他  
 人彼婦人聞已速便走還還至已夫  
 所到已語彼夫曰君當知我親屬欲  
 持我與他人君所應為者今當為之  
 於是彼人作極利刀持彼婦人手還  
 入屋中作如是言當共同去當共同  
 去斷彼女人命亦自斷命此婆羅門  
 當此愛生已則有憂感若不樂於是  
 那梨喬如婆羅門聞世尊所說善受  
 持誦習已從坐起速世尊已離世尊  
 還至王波斯匿所到已白王波斯匿  
 曰實尔大王彼沙門瞿曇作是說愛  
 生已則有憂感若不樂於是王波斯  
 匿告末利夫人曰實尔末利彼沙門  
 瞿曇作是說愛生已則有憂感若不  
 樂是故大王我還問王隨所有力當  
 報之於大王意云何愛鞞留羅大將  
 不此末利我愛彼鞞留羅大將此大  
 王彼鞞留羅大將是敗壞是變異生  
 苦憂感不樂不此末利鞞留羅大將

婆羅門子命終經 第五張 止字号

有敗壞變異則有憂感若不樂此大  
 王當以此知之愛生已則有憂感若  
 不樂於大王意云何愛賢首大將愛  
 一奔陀利大象愛婆夷提女愛婆沙  
 利諦隸夫愛迦尸人民不此末利愛  
 迦尸拘薩羅人民此大王迦尸拘薩  
 羅人民亦是敗壞有變異生苦憂感  
 不樂不此末利諸五姓欲自娛樂者  
 皆因迦尸拘薩羅人民此末利迦尸  
 人民敗壞變異者我命不全况當不  
 生苦憂感不樂此大王當知此愛生  
 已則有苦憂感不樂於大王意云何  
 今寧慈妾不此末利我亦慈汝此大  
 王妾亦有敗壞有變異寧可不生苦  
 憂感不樂耶汝末利敗壞有變異我  
 亦當生憂感若不樂此大王以此當  
 知之愛生已則有憂感若不樂此末  
 利從今日始彼沙門瞿曇因此事當  
 為我師我為弟子此末利我今歸彼  
 世尊法及比丘僧我於彼世尊持優  
 婆塞從今日始離於殺今自歸佛如  
 是說王波斯匿遙聞世尊所說歡

喜而樂

佛說婆羅門子命終經

第六張 止字号

佛說婆羅門子命終愛念不離經一卷止

佛說婆羅門子命終愛念不離經一卷  
校勘記

- 一 底本，金藏廣勝寺本。
- 一 一一五頁中一行及卷末經名下「一卷」，諸本（不含石，下同）無。
- 一 一一五頁中二行譯者，**資**、**續**、**普**、**南**、**經**、**清**作「後漢安世高譯」。
- 一 一一五頁中一三行「不離」，**資**、**續**、**普**、**南**作「人離」。
- 一 一一五頁中一七行「愛生」，**資**、**續**、**普**、**南**、**經**作「愛上」。
- 一 一一五頁下三行、四行「祇桓門」，**經**作「祇洹門」。
- 一 一一五頁下一七行「此末」，諸本作「此末利」。
- 一 一一六頁中一一行首字「當」，諸本作「當知」。
- 一 一一六頁下末行「遙聞」，**普**作「遙間」。